



Wolmainende / vnd notwendige Erinnerung / An den Leser.

Binstiger lieber Leser. Es ist kurz verwichener zeit ein sehr Vbelsehender / Starenstricker / Augapffel / mit einer vnnöthigen vnd vngereimten Verhätigung / von Leipzig auß / an das Liecht kommen / welcher fürwar wol besser wäre in der Finstere geblieben / seitmal er das Liecht / wie ein Glädermauß / nicht wol leiden kan / vnd curierens / oder heillens / vber die massen sehr bedarff.

Obweil es aber / wie männiglich bewust / ein gar zartes Ding vmb ein Augapffel / vnd derselbig außs behutsamest will tractiret werden / also hat der Oculist billich mit gewöhnlichen Preparatoriis vorher das Aug disponiren wollen vnd sollen / damie wann er hernach ein stärkeres Pflaster wird vberlegen / oder auch gar den Staren stechen / die erwünschte Gesundheit des Augapffels desto gewisser vnd vnfehlbarer folgen könne.

Nun ist vnter den preparatoriis in solchen fällen das aller erste vnd nothwendigste / das man dem Augapffel ein wenig Ruhe schafft / auch das gar hell scheinende Liecht etwas darvon abwendig mache: dahero hat der Oculist diesen Sendbrieff aus den Schriefften des Doctor Martin Luthers / als des Großvatters dieses Augapffels / meistens theils herauß ziehen / vnd dem vbelversehrten Augapffel / an stat eines Facenets / oder grienen Flecks stricken wollen / ganz getrüster hoffnung / das Aug hierdurch zuet welcher Ruhe zu bringen / damit es die zukünfftige Principaleur desto gedulziger erwarten könne.

Es will aber ein vnnöthiglich hohe Nothdurfft seyn: das der Leser hierbey etlicher gewisser Puncten von dem Oculisten erinnert werde.

Erstlich protestiert er in bester / tierlichster Form / vnd bezeuget
mit